

(षष्ठोऽध्यायः ॥ वर्गाः 1-38)

(9)

82

(म.8, अनु.9)

ऋषिः कुसीदी काण्वः	छन्दः गायत्री	देवता इन्द्रः
--------------------	---------------	---------------

आ प्र द्रव परावतोऽर्वावतश्च वृत्रहन्	मध्वः प्रति प्रभर्मणि	॥ 1 ॥
तीव्राः सोमासु आ गहि सुतासो मादयिष्णवः	पिबा दधृग्यथोचिषे	॥ 2 ॥
इषा मन्दस्वादु तेऽरु वराय मन्यवे	भुवत्त इन्द्र शं हृदे	॥ 3 ॥
आ त्वशत्रवा गहि न्युक्थानि च ह्यसे	उपमे रौचने दिवः	॥ 4 ॥
तुभ्यायमद्रिभिः सुतो गोभिः श्रीतो मदाय कम्	प्र सोम इन्द्र ह्यते	॥ 5 ॥
इन्द्रं श्रुधि सु मे हवमस्मे सुतस्य गोमतः	वि पीतिं तृप्तिमश्रुहि	॥ 6 ॥
य इन्द्र चमसेष्वा सोमश्चमूषु ते सुतः	पिबेदस्य त्वमीशिषे	॥ 7 ॥
यो अप्सु चन्द्रमाइव सोमश्चमूषु ददशे	पिबेदस्य त्वमीशिषे	॥ 8 ॥
यं ते श्येनः पदाभरन्तिरो रजांस्यस्पृतम्	पिबेदस्य त्वमीशिषे	॥ 9 ॥

(9)

83

(म.8, अनु.9)

ऋषिः कुसीदी काण्वः	छन्दः गायत्री	देवता विश्वे देवाः
--------------------	---------------	--------------------

देवानामिदवो महत्तदा वृणीमहे वयम्	वृष्णामस्मभ्यमूतये	॥ 1 ॥
ते नः सन्तु युजः सदा वरुणो मित्रो अर्यमा	वृधासंश्च प्रचेतसः	॥ 2 ॥
अति नो विष्णिता पुरु नौभिरुपो न पर्षथ	यूयमृतस्य रथ्यः	॥ 3 ॥
वामं नो अस्त्वयमन्वामं वरुण शंस्यम्	वामं ह्यावृणीमहे	॥ 4 ॥
वामस्य हि प्रचेतसु ईशानासो रिशादसः	नेमादित्या अघस्य यत्	॥ 5 ॥
वयमिद्वः सुदानवः क्षियन्तो यान्तो अध्वन्ना	देवा वृधाय हूमहे	॥ 6 ॥
अधि न इन्द्रैषां विष्णो सजात्यानाम्	इता मरुतो अश्विना	॥ 7 ॥
प्र भ्रातृत्वं सुदानवोऽध द्विता संमान्या	मातुर्गर्भे भरामहे	॥ 8 ॥
युयं हि ष्टा सुदानव इन्द्रज्येष्ठा अभिद्यवः	अधा चिद्व उत ब्रुवे	॥ 9 ॥

(9)

84

(म.8, अनु.9)

ऋषिः उशनाः काव्यः	छन्दः गायत्री	देवता अग्निः
-------------------	---------------	--------------

प्रेष्ठं वो अतिथिं स्तुषे मित्रमिव प्रियम्	अग्निं रथं न वेद्यम्	॥ 1 ॥
कविमिव प्रचेतसु यं देवासो अध द्विता	नि मर्त्येष्वदधुः	॥ 2 ॥
त्वं यविष्ठ दाशुषो नूः पाहि शृणुधी गिरः	रक्षां लोकमुत त्मना	॥ 3 ॥
कया ते अग्रे अङ्गिर ऊर्जो नपादुपस्तुतिम्	वराय देव मन्यवे	॥ 4 ॥
दाशेम् कस्य मनसा यज्ञस्य सहसो यहो	कर्तुं वोच इदं नमः	॥ 5 ॥
अधा त्वं हि नुस्करो विश्वा अस्मभ्यं सुक्ष्मितीः	वाजद्रविणसो गिरः	॥ 6 ॥

कस्य नूनं परीणसो धियो जिन्वसि दंपते	गोषाता यस्य ते गिरः	॥ 7 ॥
तं मर्जयन्त सुक्रतुं पुरोयावानमाजिषु	स्वेषु क्षयेषु वाजिनम्	॥ 8 ॥
क्षेति क्षेमैभिः साधुभिर्नक्रियं घन्ति हन्ति यः	अग्रै सुवीर एधते	॥ 9 ॥

(9)

85

(म.8, अनु.9)

ऋषिः कृष्णः आङ्गिरसः	छन्दः गायत्री	देवता अश्विनौ
----------------------	---------------	---------------

आ मे हवं नासत्याश्विना गच्छतं युवम्	मध्वः सोमस्य पीतये	॥ 1 ॥
इमं मे स्तोममश्विनेमं मे शृणुतं हवम्	मध्वः सोमस्य पीतये	॥ 2 ॥
अयं वां कृष्णो अश्विना हवते वाजिनीवसू	मध्वः सोमस्य पीतये	॥ 3 ॥
शृणुतं जरितुर्हवं कृष्णस्य स्तुवतो नरा	मध्वः सोमस्य पीतये	॥ 4 ॥
छर्दिर्यन्तमदाभ्यं विप्राय स्तुवते नरा	मध्वः सोमस्य पीतये	॥ 5 ॥
गच्छतं दाशुषो गृहमित्या स्तुवतो अश्विना	मध्वः सोमस्य पीतये	॥ 6 ॥
युञ्जाथां रासंभं रथे वीडङ्गे वृषण्वसू	मध्वः सोमस्य पीतये	॥ 7 ॥
त्रिवन्धुरेण त्रिवृता रथेना यातमश्विना	मध्वः सोमस्य पीतये	॥ 8 ॥
नू मे गिरौ नासत्याश्विना प्रावतं युवम्	मध्वः सोमस्य पीतये	॥ 9 ॥

(5)

86

(म.8, अनु.9)

ऋषिः कृष्णः विश्वकः कार्ष्णिः	छन्दः जगती	देवता अश्विनौ
-------------------------------	------------	---------------

उभा हि दुस्त्रा भिषजा मयोभवोभा दक्षस्य वचसो बभूवथुः	
ता वां विश्वको हवते तनूकृथे मा नो वि यौष्टं सुख्या मुमोचतम्	॥ 1 ॥
कथा नूनं वां विमना उप स्तवद्युवं धियं ददथुर्वस्यइष्टये	
ता वां विश्वको हवते तनूकृथे मा नो वि यौष्टं सुख्या मुमोचतम्	॥ 2 ॥
युवं हि ष्मा पुरुभुजेममैधुतुं विष्णाप्वे ददथुर्वस्यइष्टये	
ता वां विश्वको हवते तनूकृथे मा नो वि यौष्टं सुख्या मुमोचतम्	॥ 3 ॥
उत त्यं वीरं धनसामृजीषिणं दूरे चित्सन्तमवसे हवामहे	
यस्य स्वादिष्टा सुमतिः पितुर्यथा मा नो वि यौष्टं सुख्या मुमोचतम्	॥ 4 ॥
ऋतेन देवः सविता शमायत ऋतस्य शृङ्गमुर्विया वि पप्रथे	
ऋतं सासाह महि चित्पृतन्यतो मा नो वि यौष्टं सुख्या मुमोचतम्	॥ 5 ॥

(6)

87

(म.8, अनु.9)

ऋषिः कृष्णः आङ्गिरसः, द्युम्नीकः वासिष्ठः, प्रियमेधः वा छन्दः बृहती 1,3,5, सतोबृहती 2,4,6 देवता अश्विनौ
---

द्युम्नी वां स्तोमो अश्विना क्रिविर्न सेक् आ गतम्	
मध्वः सुतस्य स दिवि प्रियो नरा पातं गौराविवेरिणे	॥ 1 ॥
पिबतं घर्म मधुमन्तमश्विना बर्हिः सीदतं नरा	
ता मन्दसाना मनुषो दुरोण आ नि पातं वेदसा वयः	॥ 2 ॥

आ वां विश्वाभिरूतिभिः प्रियमेधा अहूषता।ता वर्तिर्यातमुप वृक्तर्बहिषो जुष्टं यज्ञं दिविष्टिषु ॥ 3 ॥  
 पिबतं सोमं मधुमन्तमश्विना बर्हिः सीदतं सुमत् ॥  
 ता वावृधाना उप सुष्टुतिं दिवो गन्तं गौराविवेरिणम् ॥ 4 ॥  
 आ नूनं यातमश्विनाश्वेभिः प्रुषितप्सुभिः।दस्रा हिरण्यवर्तनी शुभस्पती पातं सोममृतावृधा ॥ 5 ॥  
 वयं हि वां हवामहे विपुन्यवो विप्रासो वाजसातये ॥  
 ता वल्गू दुस्रा पुरुदंससा धियाश्विना श्रुष्ट्या गतम् ॥ 6 ॥

(6)

88

(म.8, अनु.9)

ऋषिः नोधाः गौतमः	छन्दः बृहती 1,3,5, सतोबृहती 2,4,6	देवता इन्द्रः
------------------	-----------------------------------	---------------

तं वो दुस्ममृतीषहं वसोर्मन्दानमन्धसः।अभि वृत्सं न स्वसरेषु धेनव इन्द्रं गीर्भिर्नवामहे ॥ 1 ॥  
 द्युक्षं सुदानुं तविषीभिरावृतं गिरिं न पुरुभोजसम् ॥  
 क्षुमन्तं वाजं शतिनं सहस्रिणं मक्षू गोमन्तमीमहे ॥ 2 ॥  
 न त्वा बृहन्तो अद्रयो वरन्त इन्द्र वीळवः ॥  
 यद्वित्ससि स्तुवते मावते वसु नकिष्टदा मिनाति त ॥ 3 ॥  
 योद्धासि क्रत्वा शवसोत दंसना विश्वा जाताभि मज्मना ॥  
 आ त्वायमर्क ऊतये ववर्तति यं गोतमा अजीजनन् ॥ 4 ॥  
 प्र हि रिरिक्ष ओजसा दिवो अन्तेभ्यस्परि ॥  
 न त्वा विव्याच रज इन्द्र पार्थिवमनुं स्वधां ववक्षिथ ॥ 5 ॥  
 नकिः परिष्टिर्मघवन्मघस्यं ते यद्वाशुषे दशस्यसि ॥  
 अस्माकं बोध्युचथस्य चोदिता मंहिष्ठो वाजसातये ॥ 6 ॥

(7)

89

(म.8, अनु.9)

ऋषिः नृमेध-पुरुमेधौ आङ्गिरसौ	छन्दः बृहती 1,3,7, सतोबृहती 2,4, अनुष्टुप् 5-6	देवता इन्द्रः
------------------------------	--	---------------

बृहदिन्द्राय गायत मरुतो वृत्रहंतमम् । येन ज्योतिरजनयन्नृतावृधो देवं देवाय जागृवि ॥ 1 ॥  
 अपाधमदभिर्शस्तीरशस्तिहाथेन्द्रो द्युष्ट्यार्भवत् । देवास्त इन्द्र सुख्याय येमिरे बृहद्भानो मरुद्गण ॥ 2 ॥  
 प्र व इन्द्राय बृहते मरुतो ब्रह्मार्चत । वृत्रं हनति वृत्रहा शतक्रतुर्वज्रेण शतपर्वणा ॥ 3 ॥  
 अभि प्र भर धृषता धृषन्मनुः श्रवश्चित्ते असद्बृहत् ॥  
 अर्षन्त्वापो जवसा वि मातरो हनो वृत्रं जया स्वः ॥ 4 ॥  
 यज्ञायथा अपूर्व्यं मघवन्वृत्रहत्याय । तत्पृथिवीमप्रथयुस्तदस्तभ्रा उत घाम् ॥ 5 ॥  
 तत्तं यज्ञो अजायत् तदुर्क उत हस्कृतिः । तद्विश्वमभिभूरसि यज्ञातं यच्च जन्त्वम् ॥ 6 ॥  
 आमासुं पृक्मैरयु आ सूर्यं रोहयो दिवि । घर्म न सामन्तपता सुवृक्तिभिर्जुष्टं गिर्वणसे बृहत् ॥ 7 ॥

(6)

90

(म.8, अनु.9)

ऋषिः नृमेध-पुरुमेधौ आङ्गिरसौ	छन्दः बृहती 1,3,5, सतोबृहती 2,4,6	देवता इन्द्रः
------------------------------	-----------------------------------	---------------

आ नो विश्वांसु हव्य इन्द्रः समत्सु भूषतु । उप ब्रह्माणि सर्वनानि वृत्रहा परमज्या ऋचीषमः ॥ 1 ॥  
 त्वं दाता प्रथमो राधसामस्यसि सत्य ईशानकृत् । तुविद्युमस्य युज्या वृणीमहे पुत्रस्य शवसो म्हः ॥ 2 ॥

ब्रह्मा त इन्द्र गिर्वणः क्रियन्ते अनतिद्धता । इमा जुषस्व हर्यश्च योजनेन्द्र या ते अमन्महि ॥ 3 ॥  
 त्वं हि सत्यो मघवन्नानतो वृत्रा भूरि न्यूञ्जसे । स त्वं शविष्ठ वज्रहस्त दाशुषेऽर्वाञ्च रयिमा कृधि ॥ 4 ॥  
 त्वमिन्द्र यशा अस्यजीषी शवसस्पते । त्वं वृत्राणि हंस्यप्रतीन्येक इदनुत्ता चर्षणीधृता ॥ 5 ॥  
 तमुं त्वा नूनमसुर प्रचेतसं राधो भागमिवेमहे । महीवृ कृत्तिः शरणा तं इन्द्र प्र ते सुम्ना नो अश्रवन् ॥ 6 ॥

(7)

91

(म.8, अनु.9)

ऋषिः आत्रेयी अपाला

छन्दः पङ्क्तिः 1-2, अनुष्टुप् 3-7

देवता इन्द्रः

कन्याः वारवायुती सोममपि सुताविदत् ।  
 अस्तं भरन्त्यब्रवीदिन्द्राय सुनवै त्वा शक्राय सुनवै त्वा ॥ 1 ॥  
 असौ य एषि वीरको गृहंगृहं विचाकशत् ।  
 इमं जम्भसुतं पिब धानावन्तं कर्म्भिणामपूपवन्तमुक्थिनम् ॥ 2 ॥  
 आ च्चन त्वा चिकित्सामोऽधि च्चन त्वा नेमसि । शनैरिव शनकैरिवेन्द्रायेन्द्रो परि स्रव ॥ 3 ॥  
 कुविच्छकत्कुवित्करत्कुविन्नो वस्यसुस्करत् । कुवित्पतिद्विषो यतीरिन्द्रेण संगमामहे ॥ 4 ॥  
 इमानि त्रीणि विष्टपा तानीन्द्र वि रोहय । शिरस्ततस्योर्वरामादिदं म उपोदरे ॥ 5 ॥  
 असौ च्च या न उर्वरादिमां तन्वंशं मम । अथो ततस्य यच्छिरः सर्वा ता रोमशा कृधि ॥ 6 ॥  
 खे रथस्य खेऽनसः खे युगस्य शतक्रतो । अपालामिन्द्र त्रिष्वृत्त्यकृणोः सूर्यत्वचम् ॥ 7 ॥

(33)

92

(म.8, अनु.9)

ऋषिः श्रुतकक्षः सुकक्षः वा आङ्गिरसः

छन्दः अनुष्टुप् 1, गायत्री 2-33

देवता इन्द्रः

पान्तमा वो अन्धसु इन्द्रमभि प्र गायत ।  
 विश्वासाहं शतक्रतुं मंहिष्ठं चर्षणीनाम् ॥ 1 ॥  
 पुरुहूतं पुरुष्टुतं गाथान्यं सनश्रुतम् । इन्द्र इति ब्रवीतन ॥ 2 ॥  
 इन्द्र इन्नो महानां दाता वाजानां नृतुः । महां अभिञ्चा यमत् ॥ 3 ॥  
 अपादु शिष्यन्धसः सुदक्षस्य प्रहोषिणः । इन्द्रोरिन्द्रो यवाशिरः ॥ 4 ॥  
 तम्वभि प्रार्चतेन्द्रं सोमस्य पीतये । तदिन्द्रस्य वर्धनम् ॥ 5 ॥  
 अस्य पीत्वा मदानां देवो देवस्यौजसा । विश्वाभि भुवना भुवत् ॥ 6 ॥  
 त्यमु वः सत्रासाहं विश्वासु गीर्ष्वार्यतम् । आ च्चावयस्युतये ॥ 7 ॥  
 युध्मं सन्तमनुर्वाणं सोमपामनपच्युतम् । नरमवार्यक्रतुम् ॥ 8 ॥  
 शिक्षा ण इन्द्र राय आ पुरु विद्धां ऋचीषम् । अवा नः पार्ये धने ॥ 9 ॥  
 अर्तश्चिदिन्द्र ण उपा याहि शतवाजया । इषा सहस्रवाजया ॥ 10 ॥  
 अयाम् धीवतो धियोऽर्विन्द्रिः शक्र गोदरे । जयेम पृत्सु वज्रिवः ॥ 11 ॥  
 वयमुं त्वा शतक्रतो गावो न यवसेष्वा । उक्थेषु रणयामसि ॥ 12 ॥  
 विश्वा हि मर्त्यत्वाननुकामा शतक्रतो । अगन्म वज्रिन्नाशसः ॥ 13 ॥  
 त्वे सु पुत्र शवसोऽवृत्रन्कामकातयः । न त्वामिन्द्राति रिच्यते ॥ 14 ॥  
 स नो वृषन्त्सनिष्ठया सं घोरया द्रवित्वा । धियाविद्धि पुरंध्या ॥ 15 ॥  
 यस्तै नूनं शतक्रतुविन्द्र द्युमित्तमो मदेः । तेन नूनं मदे मदेः ॥ 16 ॥

यस्ते चित्रश्रवस्तमो य इन्द्र वृत्रहन्तमः	य औजोदातमो मदः	॥ 17 ॥
विद्वा हि यस्ते अद्रिवस्त्वादत्तः सत्य सोमपाः। विश्वासु दस्म कृष्टिषु		॥ 18 ॥
इन्द्राय मद्धने सुतं परि ष्ठोभन्तु नो गिरः	अर्कमर्चन्तु कारवः	॥ 19 ॥
यस्मिन्विश्व्वा अधि श्रियो रणन्ति सप्त संसदः। इन्द्रं सुते हवामहे		॥ 20 ॥
त्रिकद्रुकेषु चेतनं देवासो यज्ञमलत	तमिद्धर्धन्तु नो गिरः	॥ 21 ॥
आ त्वा विशन्त्विन्दवः समुद्रमिव सिन्धवः	न त्वामिन्द्राति रिच्यते	॥ 22 ॥
विव्यक्थ महिना वृषभक्षं सोमस्य जागृवे	य इन्द्र जठरेषु ते	॥ 23 ॥
अरं त इन्द्र कुक्षये सोमो भवतु वृत्रहन्	अरं धामभ्यु इन्दवः	॥ 24 ॥
अरमश्वाय गायति श्रुतकक्षो अरं गवे	अरमिन्द्रस्य धाम्ने	॥ 25 ॥
अरं हि ष्मा सुतेषु णः सोमेष्विन्द्र भूषसि	अरं ते शक्र दावने	॥ 26 ॥
प्राकात्ताञ्चिदद्रिवस्त्वां नक्षन्त नो गिरः	अरं गमाम ते व्यम्	॥ 27 ॥
एवा ह्यसि वीरयुरेवा शूर उत स्थिरः	एवा ते राध्यं मनः	॥ 28 ॥
एवा रातिस्तुवीमघ विश्वैर्भिर्धायि धातृभिः	अधा चिदिन्द्र मे सचा	॥ 29 ॥
मो षु ब्रह्मेव तन्द्रयुर्भुवो वाजानां पते	मस्त्वा सुतस्य गोमतः	॥ 30 ॥
मा न इन्द्राभ्याश्दिशः सूरौ अकुष्वा यमन्	त्वा युजा वनेम् तत्	॥ 31 ॥
त्वयेदिन्द्र युजा वयं प्रति ब्रुवीमहि स्पृधः	त्वमस्माकं तव स्मसि	॥ 32 ॥
त्वामिद्धि त्वायवोऽनुनोनुवत्श्वरान्	सखाय इन्द्र कारवः	॥ 33 ॥

(34)

93

(म.8, अनु.9)

ऋषिः सुकक्षः आङ्गिरसः

छन्दः गायत्री

देवता इन्द्रः 1-33, इन्द्रः ऋभवः च 34

उद्धेदुभि श्रुतामघं वृषभं नर्यापसम्	अस्तारमेषि सूर्य	॥ 1 ॥
नवु यो नवति पुरो बिभेद बाह्वोजसा	अहिं च वृत्रहावधीत्	॥ 2 ॥
स न इन्द्रः शिवः सखाश्वावृद्धोमद्यवमत्	उरुधारेव दोहते	॥ 3 ॥
यदद्य कञ्च वृत्रहन्नुदगा अभि सूर्य	सर्वं तदिन्द्र ते वशे	॥ 4 ॥
यद्वा प्रवृद्ध सत्पते न मरा इति मन्यसे	उतो तत्सत्यमित्तव	॥ 5 ॥
ये सोमासः परावति ये अर्वावति सुन्विरे	सर्वास्तां इन्द्र गच्छसि	॥ 6 ॥
तमिन्द्रं वाजयामसि महे वृत्राय हन्तवे	स वृषा वृषभो भुवत्	॥ 7 ॥
इन्द्रः स दामने कृत ओजिष्ठः स मदै हितः	द्युम्नी श्लोकी स सोम्यः	॥ 8 ॥
गिरा वज्रो न संभृतः सबलो अनपच्युतः	वृक्ष ऋष्वो अस्तृतः	॥ 9 ॥
दुर्गे चिन्नः सुगं कृधि गृणान इन्द्र गिर्वणः	त्वं च मघवन्वशः	॥ 10 ॥
यस्य ते नू चिदादिशं न मिनन्ति स्वराज्यम्	न देवो नाधिर्गुर्जनः	॥ 11 ॥
अधा ते अप्रतिष्कृतं देवी शुष्मं सपर्यतः	उभे सुशिप्र रोदसी	॥ 12 ॥

त्वमेतदधारयः कृष्णासु रोहिणीषु च	परुष्णीषु रुशत्ययः	॥ 13 ॥
वि यदहेरधं त्विषो विश्वे देवासो अक्रमुः	विदन्मृगस्य ताँ अमः	॥ 14 ॥
आदु मे निवरो भुवद्बृहादिष्ट पौंस्यम्	अजातशत्रुरस्तृतः	॥ 15 ॥
श्रुतं वो वृत्रहन्तं प्र शर्धं चर्षणीनाम्	आ शुषे राधसे महे	॥ 16 ॥
अया धिया च गव्यया पुरुणामन्युरुष्टुत	यत्सोमैसोम् आभवः	॥ 17 ॥
बोधिन्मना इदस्तु नो वृत्रहा भूर्यासुतिः	शृणोतु शक्र आशिषम्	॥ 18 ॥
कया त्वं न ऊत्याभि प्र मन्दसे वृषन्	कया स्तोतृभ्य आ भर	॥ 19 ॥
कस्य वृषा सुते सचा नियुत्वान्वृषभो रणत्	वृत्रहा सोमपीतये	॥ 20 ॥
अभी षु णस्त्वं रयिं मन्दसानः सहस्रिणम्	प्रयन्ता बोधि दाशुषे	॥ 21 ॥
पत्नीवन्तः सुता इम उशन्तो यन्ति वीतये	अपां जग्मिर्निचुम्पुणः	॥ 22 ॥
इष्टा होत्रा असृक्षतेन्द्रं वृधासो अध्वरे	अच्छावभृथमोजसा	॥ 23 ॥
इह त्या संधुमाद्या हरी हिरण्यकेश्या	वोळहामभि प्रयो हितम्	॥ 24 ॥
तुभ्यं सोमाः सुता इमे स्तीर्णं बर्हिर्विभावसो	स्तोतृभ्य इन्द्रमा वह	॥ 25 ॥
आ ते दक्षं वि रोचना दधद्रत्ना वि दाशुषे	स्तोतृभ्य इन्द्रमर्चत	॥ 26 ॥
आ ते दधामीन्द्रियमुक्था विश्वा शतक्रतो	स्तोतृभ्य इन्द्र मृळय	॥ 27 ॥
भद्रंभद्रं न आ भरेषमूर्जे शतक्रतो	यदिन्द्र मृळयासि नः	॥ 28 ॥
स नो विश्वान्या भर सुवितानि शतक्रतो	यदिन्द्र मृळयासि नः	॥ 29 ॥
त्वामिद्वृत्रहन्तम सुतावन्तो हवामहे	यदिन्द्र मृळयासि नः	॥ 30 ॥
उप नो हरिभिः सुतं याहि मदानां पते	उप नो हरिभिः सुतम्	॥ 31 ॥
द्विता यो वृत्रहन्तमो विद इन्द्रः शतक्रतुः	उप नो हरिभिः सुतम्	॥ 32 ॥
त्वं हि वृत्रहन्त्रेषां पाता सोमानामसि	उप नो हरिभिः सुतम्	॥ 33 ॥
इन्द्र इषे ददातु न ऋभुक्षणमृभुं रयिम्	वाजी ददातु वाजिनम्	॥ 34 ॥

(12)

94

(म.8, अनु.10)

ऋषिः बिन्दुः पूतदक्षः वा आङ्गिरसः	छन्दः गायत्री	देवता मरुतः
-----------------------------------	---------------	-------------

गौर्धयति मरुतां श्रवस्युर्माता मघोनाम्	युक्ता वह्नी रथानाम्	॥ 1 ॥
यस्या देवा उपस्थे व्रता विश्वे धारयन्ते	सूर्यामासा दृशे कम्	॥ 2 ॥
तत्सु नो विश्वे अर्य आ सदा गृणन्ति कारवः	मरुतः सोमपीतये	॥ 3 ॥
अस्ति सोमो अयं सुतः पिबन्त्यस्य मरुतः	उत स्वराजो अश्विना	॥ 4 ॥
पिबन्ति मित्रो अर्यमा तना पूतस्य वरुणः	त्रिषधस्थस्य जावतः	॥ 5 ॥
उतो न्वस्य जोषमाँ इन्द्रः सुतस्य गोमतः	प्रातर्होतेव मत्सति	॥ 6 ॥
कदत्विषन्त सूरयस्तिर आपइव स्त्रिधः	अर्षन्ति पूतदक्षसः	॥ 7 ॥
कद्वो अद्य महानां देवानामवो वृणे	त्मना च दुस्मर्वर्चसाम्	॥ 8 ॥

आ ये विश्वा पार्थिवानि प्रथन्नोचना दिवः । मरुतः सोमपीतये ॥ 9 ॥  
 त्यान्नु पूतदक्षसो दिवो वो मरुतो हुवे । अस्य सोमस्य पीतये ॥ 10 ॥  
 त्यान्नु ये वि रोदसी तस्तुभुर्मरुतो हुवे । अस्य सोमस्य पीतये ॥ 11 ॥  
 त्यं नु मारुतं गुणं गिरिष्ठां वृषणं हुवे । अस्य सोमस्य पीतये ॥ 12 ॥

(9)

95

(म.8, अनु.10)

ऋषिः तिरश्चीः आङ्गिरसः

छन्दः अनुष्टुप्

देवता इन्द्रः

आ त्वा गिरो रथीरिवास्थुः सुतेषु गिर्वणः । अभि त्वा समनूषतेन्द्र वृत्सं न मातरः ॥ 1 ॥  
 आ त्वा शुक्रा अचुच्यवुः सुतासं इन्द्र गिर्वणः । पिबा त्वशस्यान्धसु इन्द्र विश्वासु ते हितम् ॥ 2 ॥  
 पिबा सोमं मदाय कमिन्द्र श्येनाभृतं सुतम् । त्वं हि शश्वतीनां पती राजा विशामसि ॥ 3 ॥  
 श्रुधी हवं तिरश्च्या इन्द्र यस्त्वा सपर्यति । सुवीर्यस्य गोमतो रायस्पृधि म्हाँ असि ॥ 4 ॥  
 इन्द्र यस्ते नवीयसीं गिरं मन्द्रामजीजनत् । चिकित्विन्मनसं धियं प्रलामृतस्यं पिप्युषीम् ॥ 5 ॥  
 तमुं ष्टवाम् यं गिर इन्द्रमुक्थानि वावृधुः । पुरूण्यस्य पौस्या सिषासन्तो वनामहे ॥ 6 ॥  
 एतो न्विन्द्रं स्तवाम शुद्धं शुद्धेन साम्ना । शुद्धैरुक्थैर्वावृध्वासं शुद्ध आशीर्वान्ममत्तु ॥ 7 ॥  
 इन्द्रं शुद्धो न आ गहि शुद्धः शुद्धाभिरुतिभिः । शुद्धो रयिं नि धारय शुद्धो ममद्धि सोम्यः ॥ 8 ॥  
 इन्द्रं शुद्धो हि नो रयिं शुद्धो रत्नानि दाशुषे । शुद्धो वृत्राणि जिघ्रसे शुद्धो वाजं सिषाससि ॥ 9 ॥

(21)

96

(म.8, अनु.10)

ऋषिः तिरश्चीः आङ्गिरसः द्युतानः वा मारुतः

छन्दः त्रिष्टुप् 1-3,5-20, विराट् 4,

पुरस्ताद्भ्योतिः 21

देवता इन्द्रः 1-13,16-21, इन्द्रामरुतः 14, इन्द्राबृहस्पती 15

अस्मा उषासु आतिरन्तु याममिन्द्राय नक्तमूर्म्याः सुवाचः ।  
 अस्मा आपो मातरः सप्त तस्थुर्नुभ्यस्तराय सिन्धवः सुपाराः ॥ 1 ॥  
 अतिविद्धि विथुरेणां चिदस्त्रा त्रिः सप्त सानु संहिता गिरीणाम् ।  
 न तद्देवो न मर्त्यस्तुतुर्याद्यानि प्रवृद्धो वृषभश्चकार ॥ 2 ॥  
 इन्द्रस्य वज्रं आयसो निर्मिश्रु इन्द्रस्य बाहोभूयिष्ठमोजः ।  
 शीर्षन्निन्द्रस्य क्रतवो निरेक आसन्नेषन्तु श्रुत्या उपाके ॥ 3 ॥  
 मन्ये त्वा यज्ञियं यज्ञियानां मन्ये त्वा च्यवन्मच्युतानाम् ।  
 मन्ये त्वा सत्वनामिन्द्र केतुं मन्ये त्वा वृषभं चर्षणीनाम् ॥ 4 ॥  
 आ यद्वज्रं बाहोरिन्द्र धत्से मद्युतमहये हन्त्वा उ ।  
 प्र पर्वता अनवन्तु प्र गावः प्र ब्रह्माणो अभिनक्षन्तु इन्द्रम् ॥ 5 ॥  
 तमुं ष्टवाम् य इमा जजान विश्वा जातान्यवराण्यस्मात् ।  
 इन्द्रेण मित्रं दिधिषेम गीर्भिरुपो नमोभिवृषभं विशेषम् ॥ 6 ॥  
 वृत्रस्यं त्वा श्वसथादीषमाण्णा विश्वे देवा अजहुर्ये सखायः ।  
 मरुद्धिरिन्द्र सख्यं ते अस्त्वथेमा विश्वाः पृतना जयासि ॥ 7 ॥

त्रिः षष्टिस्त्वा मरुतो वावृधाना उस्नाइव राशयो यज्ञियासः	
उप त्वेमः कृधि नो भागधेयं शुष्मं त एना हविषा विधेम	॥ 8 ॥
तिग्ममायुधं मरुतामनीकं कस्तं इन्द्र प्रति वज्रं दधर्ष	
अनायुधासो असुरा अदेवाश्चक्रेण तां अप वप ऋजीषिन्	॥ 9 ॥
मह उग्राय त्वसे सुवृक्तिं प्रेरय शिवतमाय पश्वः	
गिर्वाहसे गिर इन्द्राय पूर्वोर्धेहि तन्वे कुविदङ्ग वेदत्	॥ 10 ॥
उक्थवाहसे विभ्वे मनीषां द्रुणा न पारमीरया नदीनाम्	
नि स्पृश धिया तन्वि श्रुतस्य जुष्टतरस्य कुविदङ्ग वेदत्	॥ 11 ॥
तद्विविद्धि यत् इन्द्रो जुजोषत्स्तुहि सुष्टुतिं नमसा विवास	
उप भूष जरित्मा रुवण्यः श्रावया वाचं कुविदङ्ग वेदत्	॥ 12 ॥
अव द्रप्सो अंशुमतीमतिष्ठदियानः कृष्णो दशभिः सहस्रैः	
आवत्तमिन्द्रः शच्या धर्मन्तमप स्नेहितीर्नृमणा अधत्त	॥ 13 ॥
द्रप्समपश्यं विषुणे चरन्तमुपहरे नद्यो अंशुमत्याः	
नभो न कृष्णमवतस्थिवांसुमिष्यामि वो वृषणो युध्यताजौ	॥ 14 ॥
अध द्रप्सो अंशुमत्या उपस्थेऽधारयत्तन्वं तित्विषाणः	
विशो अदेवीरभ्याश्चरन्तीर्बृहस्पतिना युजेन्द्रः ससाहे	॥ 15 ॥
त्वं ह त्यत्सप्तभ्यो जायमानोऽशत्रुभ्यो अभवः शत्रुरिन्द्र	
गूळहे द्यावापृथिवी अन्वविन्दो विभुमद्भ्यो भुवनेभ्यो रणं धाः	॥ 16 ॥
त्वं ह त्यदप्रतिमानमोजो वज्रेण वज्रिन्धृषितो जघन्थ	
त्वं शुष्णास्यावातिरो वधत्रैस्त्वं गा इन्द्र शच्येदविन्दः	॥ 17 ॥
त्वं ह त्यद्वृषभ चर्षणीनां घनो वृत्राणां तविषो बभूथ	
त्वं सिन्धूरसृजस्तस्तभानान् त्वमपो अजयो दासपत्नीः	॥ 18 ॥
स सुक्रतु रणिता यः सुतेष्वनुत्तमन्युर्यो अहेव रेवान्	
य एक इन्नर्यपांसि कर्ता स वृत्रहा प्रतीदन्यमाहुः	॥ 19 ॥
स वृत्रहेन्द्रश्चर्षणीधृत्तं सुष्टुत्या हव्यं हुवेम	
स प्राविता मघवा नोऽधिवक्ता स वाजस्य श्रवस्यस्य दाता	॥ 20 ॥
स वृत्रहेन्द्र ऋभुक्षाः सद्यो जज्ञानो हव्यो बभूव	
कृण्वन्नपांसि नर्या पुरूणि सोमो न पीतो हव्यः सखिभ्यः	॥ 21 ॥

(15)

97

(म.8, अनु.10)

ऋषिः रेभः काश्यपः  
जगती 15

छन्दः बृहती 1-9, अतिजगती 10,13, उपरिष्ठाद्बृहती 11-12, त्रिष्टुप् 14,  
देवता इन्द्रः

या इन्द्र भुज आभरः स्वर्वा असुरेभ्यः । स्तोतारमिन्मघवन्नस्य वर्धय ये च त्वे वृक्तबर्हिषः ॥ 1 ॥  
यमिन्द्र दधिषे त्वमश्वं गां भागमव्ययम् । यजमाने सुन्वति दक्षिणावति तस्मिन्तं धेहि मा पुणौ ॥ 2 ॥  
य इन्द्र सस्त्यव्रतोऽनुष्वापमदेवयुः । स्वैः ष एवैर्मुमुरत्पोष्यं रयिं सनुतर्धेहि तं ततः ॥ 3 ॥



यच्छक्रासिं परावति यदर्वावति वृत्रहन्	
अतस्त्वा गीर्भिर्द्युगदिन्द्र केशिभिः सुतावाँ आ विवासति	॥ 4 ॥
यद्वासिं रोचने दिवः समुद्रस्याधिं विष्टपिं । यत्पार्थिवे सदेने वृत्रहन्तम् यदन्तरिक्ष आ गहि	॥ 5 ॥
स नः सोमेषु सोमपाः सुतेषु शवसस्पते । मादयस्व राधसा सूनृतावृतेन्द्र राया परीणसा	॥ 6 ॥
मा न इन्द्र परा वृणग्भवा नः सधुमाद्यः । त्वं न ऊती त्वमिन्न आय्यं मा न इन्द्र परा वृणक्	॥ 7 ॥
अस्मे इन्द्र सचा सुते नि षदा पीतये मधु । कृधी जरित्रे मघवन्नवो महदस्मे इन्द्र सचा सुते	॥ 8 ॥
न त्वा देवास आशत् न मर्त्यासो अद्रिवः	
विश्वा जातानि शवसाभिभूरसि न त्वा देवास आशत	॥ 9 ॥
विश्वाः पृतना अभिभूतरं नरं सजुस्ततक्षुरिन्द्रं जजनुश्च राजसे	
क्रत्वा वरिष्ठं वरं आमुरिमुतोग्रमोजिष्ठं त्वसं तरस्विनम्	॥ 10 ॥
समीं रेभासो अस्वरन्निन्द्रं सोमस्य पीतये । स्वर्पतिं यदीं वृधे धृतव्रतो ह्योजसा समूतिभिः	॥ 11 ॥
नेमिं नमन्ति चक्षसा मेषं विप्रां अभिस्वरा	
सुदीतयो वो अद्बुहोऽपि कर्णे तरस्विनः समृक्भिः	॥ 12 ॥
तमिन्द्रं जोहवामि मघवानमुग्रं सूत्रा दधानमप्रतिष्कुतं शवांसि	
मंहिष्ठो गीर्भिरा च यज्ञियो ववर्तद्राये नो विश्वा सुपथा कृणोतु वृज्री	॥ 13 ॥
त्वं पुरं इन्द्र चिकिदेना व्योजसा शविष्ठ शक्र नाशयध्वै	
त्वद्विश्वानि भुवनानि वज्रिन् द्यावा रेजेते पृथिवी च भीषा	॥ 14 ॥
तन्म ऋतमिन्द्र शूर चित्र पात्वपो न वज्रिन् दुरितार्तिं पर्षि भूरि	
कृदा न इन्द्र राय आ दशस्येर्विश्वप्स्यस्य स्पृहयार्यस्य राजन्	॥ 15 ॥

| इति षष्ठाष्टके षष्ठोऽध्यायः समाप्तः ।